


Le long 18024

COMPLAINCTE ET

QVERIMONIE
DES PAVVRES
LABOVREVS

suivant la calamité du
temps present sur
Da pacem.

RS
9



A LYON,
Par Benoit Rigaud,

1568.

COMMINGLED

COMMINGLED

DEPT. OF AGRICULTURE

DEPT. OF AGRICULTURE

F

39

.326

1568cho

THE NEWBERRY
LIBRARY



COMPLAINCTE ET

querimonie des pauvres Labou-
reurs fuyuant la calamité du
temps present, sur
Da Pacem.

* * *
DOMINUS



*Dieu que nul ne peut desdire,
Tu sçais Et cognois si ie mens,
Que plus n'ay cheuaux ne iumès,
A qui doncq pourray-ie dire.*

D A

donne nous

*Fors à toy coronal de tous
Qui les peux casser sans danger?
Je te supplie pour me venger,
Leur donner, Et aussi a nous*

A ij.

P A C E M

Paix

*La paix nous seroit necessaire
A mon aduis, & neantmoins
Si tu veulx punir les humains
Tu en as cause, & le peulx faire*

D O M I N E

Seigneur

*Les peres que nous auions,
Combien qu'au monde eussent esté,
Jamais telle meschanceté
Ne virent, comme nous voyons*

I N D I E B V S N O S T R I S

en nos iours

*En la sueur de mon visage
Je labeure, & meurs de faim,
Trois iours a que mourceau de pain
Je n'ay mangé a mon mesnage*

Q V I A

Q V I A N O N E S T

car il n'y a

*J'ay planté, semé, vendangé,
J'ay fumé les champs & pastiz,
Pour donner vie à mes petitz,
Mais hélas le tout a mangé*

A L I V S

autre

*Non pas un seul, Dieu sçait combien
Lon me faict chacun iour d'alarmes,
Tant l'arrons, sergens, que gendarmes
Et autres avec qui on sçait bien*

Q V I

qui

*Pour à mes veaux la teste fendre
Pour bien escorcher mes moutons,
Sont gens qui ont barbe aux mentons,
Mais chercheZ qui pour nous defendre*

A uij.

P V G N E T

bataille

*Helas c'est bien pour se debatre,
Entre nous pauvres-laboureurs,
Quant un tas de meschans coureurs
Nous battent, au lieu de combattre*

P R O N O B I S

pour nous

*O mon createur quant ie pense
A ta bonté, ie me conforte,
Scachant que du mal que ie porte
Nul ne m'en fera recompense,*

N I S I T V

que toy

*De mettre au monde ma fiance
Nenny, c'est un mot resolut,
En eux n'y a point de salut,
En toy seul est mon esperance*

D E V S

D E V S
qui es mon Dieu.

*Quant pillerie cessera,
Quant raison & bonne police
Maintiendra l'effect de iustice,
Adoncques le bon temps sera*

N O S T E R.

*D A P A C E M. Domine in diebus nostris,
Quia non est alius qui pugnet pro nobis: nisi tu
Deus noster.*

D O N N E nous Paix Seigneur en noz
iours, car il n'y a autre qui bataille pour
nous: que toy qui es mon Dieu.

F I N.




**THE
NEWBERRY
LIBRARY**